

Dadus relata 14 Julu 2020

SUMÁRIU

- Gabinete Primeiru Ministru konvoka reuniaun ida ho Ekipa ONU Nasaun nian hodi diskuti kona-ba situasaun pandemia COVID-19, impaktu sosio-ekonómiku no medida sira hodi responde ba asuntu hirak ne'e no hodi re-ativa fila fali programa kooperasaun bilateral ne'ebé maka suspende tanba COVID-19.
- Ministériu Saúde, Instituto Nacional Saúde (INS), Hospital Nacional Guido Valadares (HNGV) ho apoiu hosi OMS no St. John of God, no USAID hala'o treinamentu ba "Jestaun Kazu COVID-19" ba pesoál saúde sira iha Covalima no Rejiaun Espesiál Oecusse. Pesoál saúde sira kuaze nain 15 kompostu hosi médiku, enfermeiru, parteira, no farmaséutiku sira mak simu treinamentu ne'e iha munisípiu Covalima no nain 80 iha Rejiaun Espesiál Oecusse. Kurrikulu tékniku ba treinamentu ida ne'e dezenvolve hamutuk hosi INS, OMS, Maluk Timor, no St John of God. Treinamentu ne'e kobre área prinsipál 12 hosi planu prontidaun no responde ba COVID-19 no tópiku sira seluk tan. Área prinsipál 12 ne'e maka: i) introdusaun ba COVID-19, ii) IPC, iii) triajen, iv) PPE/EPP, v) jestaun kazu moderadu no kmaan, vi) Psikolojia, vii) transfere seguru ba pasiente, viii) komunika ho pasiente no família, ix) kuidadu ba TB no HIV tuir kontestu COVID-19, x) mantein servisu saúde esensiál, xi) promosaun saúde, no xii) kuidadu paliativu.
- MS, UNICEF, UNFPA, no OMS hala'o workshop nasional kona-ba vijilánsia no resposta mortalidade iha maternál no perinatal nian hodi bele hatoo rekomendasaun ruma atu hadi'ak liután servisu ba inan no bebe foin moris no bebé sira-nia saúde bazeia ba avaliasaun Mate iha Maternál no Perinatal ne'ebé hala'o iha 2018. Workshop ne'e mós foka liu ba abordajen implementasaun ba Sistema Integradu ba Vijilánsia no Resposta ba Mate iha Inan no Bebé sira iha Timor-Leste.
- Atu mantein servisu saúde esensiál ba Tuberkuloze (TB) no kontinua fó apoiu ba Ministériu Saúde (MS) hodi implementa rejimentu ai-moruk foun, OMS fó apoiu ba akizisaun mákina automatiku ECG ne'ebé maka sei koloka iha munisípiu 13, inklui ospital referál no nasional, no Klibur Domin, hodi hala'o jestaun klíniku ba pasiente DR-TB ba tratamentu rejimentu ai-moruk orál. Alende ne'e, OMS mós fó apoiu hodi halo dezeńu no prodús materiais informasaun edukasaun no komunikasaun (*Sigla Inglés: Information Education and Communication (IEC) materials*) ne'ebé

SITUASAUN IHA NÚMERU

Totál no kazu (foun) iha Timor-Leste

24 konfirmadu (foun 0)

0 mate

(Bazeia ba dadus ne'ebé públika iha [Ministerio da Saúde](#))

Tuir pájina WHO Timor-Leste

[Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne'e](#).

SITUASAUN GLOBÁL

Totál kazu (foun) iha oras 24 nia laran

Globalmente

12 768 307 konfirmadu (**215 539**)

566 654 mate (**5 037**)

AVALIASAUN RISKU OMS


Nível Globál Aas tebes

maka sei halo distribuisaun ba territóriu tomak hodi konxiensializa informasaun kona-ba TB.

- MS ho apoiu tékniku no lojística hosi OMS hala’o atividade kontrole no prevensaun ba dengue iha munisípiu hitu agora daudaun ne’e – Covalima, Ainaro, Baucau, Dili, Ermera, Liquica, Manatuto, no Lautem.
- MS ho apoiu tékniku hosi OMS hala’o ona serie workshop tékniku kona-ba “Papél imunizasaun no Nutrisaun nian iha loron 1000 dahuluk iha moris”. Workshop iha ne’e hala’o ho kolaborasaun hamutuk ho Asosiasaun Parteira Timor-Leste (APTL).




Data notifikasaun kazu foun no kumulativu COVID-19 iha Timor-Leste
(14-Jul-2020 : kazu foun-0 kumulativus-24)



Source : Direcção Nacional Controlo de Doenças - Departamento Vigiância Epidemiologia

Situasaun Nasional Kazu : COVID-19 Timor-Leste (Kumulative figures)



Source : Direcção Nacional Controlo de Doenças - Departamento Vigiância Epidemiologia

OMS TIMOR-LESTE NIA OBJETIVU ESTRATÉJIU

- Hapara transmisaun hosi ema-ba-ema inklui hamenus infesaun sekundáriu entre sira ne'ebé maka iha kontaktu besik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba infesaun prevensaun no kontrolu (IPC) ne'ebé rigorozu tebes no hasa'e kapasidade ba IPC nian;
- Identifika, izola no kuidadu ba pasiente; inklui fornese mós kuidadu óptimu ba pasiente ne'ebé infetadu;
- Halo sosializasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita besik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé besik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé besik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Pájjina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Pájjina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-